

141 voglia, ma ben vi prego fati vostro forzo ch' io vengi a repatriar, perchè l'è mal combater per le grandissime archibusarie che se usano. Non altro. Siate sano.

In Trani, etc.

Io mando a l'arsenal per remi 20; pregovi sollicitate me siano mandati, et fatti che'l tralao li fazzi de la sorte di altri, longi pie 21 l'uno.

A tergo: *Magnifico et generoso domino Paulo Diedo qu. clarissimi domini Antonii, fratris honorando,*

142) *Da Fiorenza, fo lettere di l' orator Cappello, di 26.* Come quelli Signori, credendo la Signoria nostra non volerli dar aiuto, erano molto resentidi. Da poi hebbero lettere del suo orator, per le qual li scrissero la bona disposition de la Signoria nostra, et li fanti li voleno dar per terzo; di che è restati molto satisfati, et dicono volersi difender gaiardamente.

Da Feltre, di sier Zuan Francesco Gradonigo podestà et capitano, di . . . con avisi hauti di sopra.

Da poi disnar. Fo ordinà Pregadi et Conseio di X con la Zonta, chiamato a requisition di Savi, ma il Conseio di X non fo chiamato a intrar per hozi.

De campo, da Cassan, del proveditor Nani et Dolfin, di 31. Si mandì danari. Hanno hauti li ducati 14 milia et pagano le zente. Scriveno, il conte Lodovico Belzoioso, zoè la compagnia di fanti et spagnoli venuti a Zenoa, erano zonti sora Po per passar et venir nel campo inimico; sichè inimici si ingrossano.

Da Lodi, de sier Gabriel Venier orator, de 31. Scrive il recuperar Valenza che fè il Vistarìn, ch'è in Alexandria, come scrisse; et va poi etc.

Fu posto, per li Savi di Terra ferma et sier Hironimo Trun, sier Marco Bembo, sier Vicenzo Barozzi savii ai ordeni, confinar il capitano de le galie di Baruto a di 6 in galia; parti a di 8, l'altra a di 12, sotto pena ducati 500. 168, 16, 2.

Fu posto, per li Savi del Conseio et Terra ferma, dar 400 fanti a Tognon da la Riva stato altre volte ai nostri servicii. Et fu presa.

Fu posto, per li Savi del Conseio et Terraferma, che 'l sia preso, per agumentar el nostro campo, atento le motion di sopra, siano fatti 5000 fanti, sotto quelli capi parerà a questo Conseio. Fu presa.

(1) La carta 141' è bianca.

Fu posto, per li Savi sopraditti, elezer *de presententi* uno proveditor zeneral da terra ferma, da esser operado dove acaderà; et sia eletto per scurtinio di questo Conseio, habbi per spexe ducati 120 al mexe. Meni con sè cavalli 10, computà il secretario et suo servitor, et do stafieri, *ut in parte.* Fu preso.

Fu posto, per i Savi del Conseio et Terra ferma, expedir sier Marco Antonio Venier el dotor, electo orator a Ferrara; *videlicet* per spexe per mexi do ducati 240, per cavalli ducati 120, per forzieri et coperte ducati 30; et al secretario in don ducati 20; summa in tutto ducati 420. *Item*, che 'l ditto possi portar arzenti con sè per la valuta de ducati 400 a risego de la Signoria nostra, *ut in parte.* Ave: 120, 2, 4.

Fu posto, per li ditti, che a questi spagnoli, venuti de Istria in questa città, et voriano stipendio, li sia fato intender, che volendo andar in armada, saranno messi parte su la galia quinquere me si arma, et altri si manderà in armada da esser messi per archibusieri a tanti per galia; et non volendo andar, si debbano levar di qui fra termine de zorni tre, et andar fuora del dominio nostro, *ut in parte.* Fu presa. La copia sarà qui avanti posta.

Fu posto, per li Savi tutti, havendo richiesto sier Vetur Soranzo governador a Trani, stato 28 mexi, sia fato in loco suo, aziò possi venir a repatriar, pertanto sia preso, che per scurtinio in questo Conseio sia electo il primo Pregadi governador a Trani, qual habi ducati 50 al mexe per spexe; et zonto el sia de li, el ditto Soranzo vengi a repatriar. Ave: 184, 8, 4.

Scurtinio de proveditor zeneral, justa la parte.

Sier Zuan Francesco Badoer fo savio a terraferma, di sier Giacomo . . .	89.106
Sier Francesco Contarini fo orator a monsignor di San Polo, qu. sier Anzolo	68.123
Sier Nicolò Justinian fo baylo et capitano a Napoli di Romania, qu. sier Bernardo	71.121
Sier Agustin da Canal fo podestà et proveditor a Roman, qu. sier Polo.	49.151
+ Sier Francesco Pasqualigo è di la Zonta, qu. sier Vetur	136. 62
Sier Zuan Foscarini, qu. sier Nicolò, fo proveditor	36.160
Sier Zacaria Valaresso fo capitano a Zara, qu. sier Zuanne	46.151